

a l'vne des deux & ensuite n'en parloit bien qu'apres le salut & puis alloit a l'autre, & Mons^r. le Gouverneur & le monde suiuit.

*Ceremonies supplées
& 1^{re}. Communion
de Caterine femme
d'Atironta.*

le 23. de Dec. furent supplées les Ceremonies de baptesme a Caterine femme d'Atironta, & a son fils mathieu aagé de deux ans; ce fut dans la chapelle de Quebek ils se tinrent dans le banq de Mons^r. le gouverneur au commencement & furent par la Introduits a l'Eglise. Mons^r. Tronquet secretaire de mons^r. le Gouverneur fut le parain du petit, & Madame de la ferté nouvelle mariée fille de mons^r. Giffar fut la maraine de Caterine, qui fit sa 1^{re}. Coñon a Minuit.

*Ceremonies a la feste
de Noel.*

le 1^{er}. coup de la messe de minuit sonna a vnse heures, le 2^{on}. vn peu deuant la demye & p^r. lors on commença a chanter deux airs, Venez mon Dieu &c & Chantons noe &c. Mons^r. de la ferté faisoit la basse St. martin Ioüoit du violon, il y auoit encores vne fluste d'alemagne que ne se trouue pas d'accord quand se vint a l'Eglise: nvf eusmes fait vn peu deuant minuit; on ne laissa pas de chanter le Te Deū, & vn peu apres on tira vn coup de canon p^r. Signal de minuit ou commença la messe; le pain benist se fit lors que le prestre alla p^r. ouurir son liure. Ce fut le 1^{er}. depuis plusieurs années qu'il auoit esté intermis p^r. les preferences en la distribūon que chaqu'vn pretendoit. Le renouuelement s'en fit par la deuōn des taillādiers qui eurent deuōn de le faire a la